

Aalisakkat piniagassanillu pisat ukiup siulianut naleqqiullugu 2001-mi ikinnerusut tunisaapput

Aalisarnermik piniarnermillu naatsorsueqqissaarinerit 2001 (kisitsisaatigineqarallartut)

Pisat aningaasatigut akilersinnaanerusut tunisaanerat annikilleriarfiuvoq...

Aalisakkat nunami suliffissuarnut 2001-imi tunineqartut 2000-imut naleqqiullugu aanikinnerupput, pingaartumik pisaasartunit aningaasatigut akilersinnaanerusut eqqarsaatigalugit, tassaasut raajat, qalerallit saattuallu. Akerlianik uukkanik, qeeqqanik, oquuttanik, kapisilinnik, suluppaakkanik, nipisannik aamma saarullinnik 2001-imi tunisat 2000-mut naleqqiullugu annertusipput, taamaattorli taakkuninnga tunisat amerleriaataat nalingallu pisineneqartartuni allani annikilleriaataasunut matussutaasinnaasimanatik.

Piniagassanit pisat pineqartillugit puisit amiinik tunisat annertuumik ikileriarput. Ilutigalugulu arferit neqaannik tunineqartartut annertussusiat 2000-imi 91 tonsiniit 2001-imi 64 tonsinut annikilleriarput – appariaat 27 tonsiulluni.

Tamanna Naatsorsueqqissaartarfiup nittartagaani www.statgreen.gl-imi aalisarnermik piniarnermillu 2001-imi kisitsisit pillugit paasissutissiissutigisaata ullumikkut tamanut saqqummiunneqartup ilamininnguisa ilaattut taaneqarpoq. Kisitsisini aamma ilaapput 1997-imiit 2001-imut tunisat pillugit kisitsisaatigineqartut, tamatumani amerlassuserisimasaat nalingilu ilanngullugit.

*...pdf-filinngorlugu
... imal.
pappiaranngorlugu*

Saqqummiussaq pdf-filinngorlugu saqqummersinneqarsinnaavoq, aammali pappiaranngorlugu pissarsiariumagaanni nassiunnissaa akiligassaralugu Naatsorsueqqissaartarfimmu piniarneqarsinnaalluni. Tamanna pisinnaavoq sianeraanni 34 50 00-imut imaluunniit e-mailikkut uunga: stat@gh.gl.

*e-mail'ikkut
pisartagaqalerit...*

Kisitsisit pillugit paasissutissanik nutaanik Naatsorsueqqissaartarfiup nittartagaani tamanut saqqummiunneqartartunik siunissami pissarsialerumaguit elektroniskimik nutaarsiassiissutigisartakkatsinnik pisartagaqalerumallutit nalunaarsinnaavutit. Iserfigiuk: www.statgreen.gl. Saqqummersup naqqata saamia'tungaani toqqaruk "nutaarsiassanik pisartagaqarit" (danskisuuani "abonner på nyhedsbrev"). Taava naatsorsueqqissaarinivut nutaat tamanut saqqummiunneqarneri tamaasa pineqartunik e-mailikkut pisartagaqalissaatit.

Paasissatissanik allanik pissarserusukkuit saaffiginnissinnaavut uunga: Naatsorsueqqissaartarfiup pisortaa Birger Poppel telefoni 34 55 61 (toqqaannartoq) imaluunniit e-mailikkut uunga: birger@gh.gl.

Inussiarnersumik inuulluaqqusillunga

Birger Poppel
Naatsorsueqqissaartarfimmi qullersaq

Ilisarnaatigitinneqartut pillugit nassuiaat:

- ... Paasissutissat pigineqanngillaq
- .. Paasissutissat saqqummiutissallugit nalorninartoqarpallaarput ima-
luunniit allanut saqqummiunnissaat mianerisassaatinneqarpoq
- . Taamatut isikkoqartillugit kisitsisitalerneqarsinnaanngillat
- 0 Naatsorsuusiussap nalingata affaa inorlugu
- Noor'lu
- * Kisitsisaatigineqarallartoq kisitsilluunniit eqqoriakannigaq

Saaffiginninniaanni

Birger Poppel

E-mail: birger@gh.gl

Aalisarnek & Piniarneq 2002:1

20. december

Naatsorsueqqissaartarfik
Postboks 1025 · 3900 Nuuk
Tlf.: 34 50 00 · Fax: 32 29 54
www.statgreen.gl · e-mail: stat@gh.gl

